



**Danmarkimi politini pisartutut Kalaallit Nunaanni politiit nalunaaruteqartoqarneraniit qisuariarnissap tungaanut piffissamik atorineqartartumik nalunaarsuisalernissaat pillugu Naalakkersuisut danskit inatsisinik atortitsinermut ministerianut attaveqaqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Justus Hansen, Demokraatit)  
(Siullermeernera)

Demokraatini Inatsisartunut ilaasortaq Justus Hansenip siunnersuutaa isumaqatigaarput aamma siunnersuumminut tunngavilersuutai. Tunngaviusumik pineqarpoq innuttaasut toqqissisimanissaat. Innuttaasut ilisimasariaqarpaat kalerriinerminniit piffissaq qanoq sivistutisigisooq ingerlassanersoq politiit takkunnissaasa tungaanut.

Danmarkimisut politiit sukkatigisumik qisuariartarnissaattut nunatsinni qisuariartoqartarnissaa naatsorsuutigineqarsinnaanngikkaluortoq pitsanngorsaasoqarsinnaajuannarpoq. Pitsanngoriaat uuttoqarsinnaanngilaq allaaviusoq ilisimannngikkaanni.

Taamaattumik isumaqarpugut pissusissamisuuginnassasoq Kalaallit Nunaanni politiit Danmarkimisulli qisuariarnissamut piffissaq atorineqartartoq nalunaarsortalissagaluarpassuk.

Taamatut oqaaseqarluta siunnersuutip taamatut isikkoqarluni akuerineqarnissaa inassutigaarput.